

ՀԱՄԱԳՈՐԾԱԿՑՈՒԹՅԱՆ ՀԱՄԱՁԱՅՆԱԳԻՐ

ք.Երևան

«4» Հունիսի, 2018 թվական

«Ինտերնետ հանրություն» ՀԿ-ն (այսուհետ՝ ԻՀ ՀԿ), ի դեմս գործադիր տնօրեն Ա.Ներսիսյանի, որը գործում է կազմակերպության կանոնադրության հիման վրա, մի կողմից, և «Ինտերնետ հասարակության Հայաստան հատված» ՀԿ-ն (այսուհետ՝ ԻՀՀՀ ՀԿ), ի դեմս նախագահ Ի.Մկրտումյանի, որը գործում է կազմակերպության կանոնադրության հիման վրա, մյուս կողմից, հետագա շարադրանքում համատեղ կոչվելով **Կողմեր**, կնքեցին սույն համաձայնագիրը հետևյալի մասին.

1. ՀԱՄԱՁԱՅՆԱԳՐԻ ԱՌԱՐԿԱՆ

1. ԻՀՀՀ ՀԿ-ն և ԻՀ ՀԿ-ն ապահովում են փոխադարձ տեղեկատվության փոխանակում ինտերնետային կապի փաստաթղթերի, համաձայնագրերի, համացանցում հայկական և համաշխարհային միտումների վերաբերյալ:
2. ԻՀՀՀ ՀԿ-ն և ԻՀ ՀԿ-ն անց են կացնում ինտերնետի հետ կապված քննարկումներ:
3. ԻՀՀՀ ՀԿ-ն և ԻՀ ՀԿ-ն իրականացնում են տեղեկատվական և հաղորդակցման տեխնոլոգիաների, ինչպես նաև համացանցի հետ կապված խնդիրների վերաբերյալ հայեցակարգային նախագծերի մշակման աշխատանքները:
4. ԻՀՀՀ ՀԿ-ն և ԻՀ ՀԿ-ն Հայաստանի կառավարության մարմիններին տրամադրում են համացանցային-վերլուծական նյութեր՝ կապված ինտերնետի հետ կապված խնդիրների հետ:
5. ԻՀՀՀ ՀԿ-ն և ԻՀ ՀԿ-ն խրախուսում են իրենց ներկայացուցիչների համատեղ մասնակցությունը տեղական և միջազգային համաժողովներին, կոնֆերանսներին, սեմինարներին և այլ միջոցառումներին՝ ինտերնետային և տեղեկատվական տեխնոլոգիաների ոլորտում:
6. ԻՀՀՀ ՀԿ-ն և ԻՀ ՀԿ-ն համատեղ կազմակերպում են Հայկական Ինտերնետ Կառավարման Համաժողովները (ARMIGF):
7. ԻՀՀՀ ՀԿ-ն և ԻՀ ՀԿ-ն համատեղ մասնակիցներ են ուղարկում համաշխարհային IGF համաժողովներին:
8. ԻՀ ՀԿ-ն անհրաժեշտության դեպքում ֆինանսական աջակցություն է տրամադրում ԻՀՀՀ ՀԿ-ին՝ աշխատակազմի աշխատավարձերը վճարելու համար:
9. ԻՀ ՀԿ-ն աջակցում է ԻՀՀՀ ՀԿ-ի այն նախագծերին, որոք արժանացել են համաշխարհային Ինտերնետ հասարակության դրամաշնորհներին:
10. ԻՀՀՀ ՀԿ-ն գործուղում է 3 ներկայացուցիչներ ԻՀ ՀԿ-ի խորհրդին, Հայաստանի բարձրագույն մակարդակի տիրույթների կառավարմանը մասնակցելու համար:
11. ԻՀՀՀ ՀԿ-ն ակտիվորեն մասնակցում է հայկական բարձր մակարդակի տիրույթների առաջխաղացմանը:

2. ՀԱՄԱՁԱՅՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

12. Սույն համաձայնագիրն ուժի մեջ է մտնում Կողմերի ստորագրման պահից և գործում է անժամկետ:

3. ԵԶՐԱՓՈՒԿ ԴՐՈՒՅԹՆԵՐ

13. Սույն համաձայնագիրը կարող է փոփոխվել Կողմերի փոխադարձ համաձայնությամբ, ինչպես նաև կարող է դադարեցվել ցանկացած կողմի նախաձեռնությամբ՝ մյուս կողմին գրավոր ծանուցման միջոցով:

4. ԿՈՂՄԵՐԻ ՏՎՅԱԼՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

«Ինտերնետ հանրություն» ՀԿ

«Ինտերնետ հասարակության Հայաստան հատված» ՀԿ

Գտնվելու վայրը՝ ՀՀ, 0012, ք.Երևան,  
Ա.Խաչատրյան 172., բն.3

Գտնվելու վայրը՝ ՀՀ, 0012, ք.Երևան,  
Ա.Խաչատրյան 172., բն.3

ՀՎՀՀ 00004302

ՀՎՀՀ 00181988

Հ/Կ 19300 7000014

Հ/Կ 19300 68433720100

Բանկ «Կոմերսբանկ» ՓԲԸ

Բանկ «Կոմերսբանկ» ՓԲԸ

Փոխադիր տնօրեն Արամ Ներսիսյան

Նախագահ Իգոր Մկրտումյան

